



## Ministaup Uqaqtakhangit

Nampa\_\_\_\_\_

Ublumi\_\_\_\_\_

Nangariyauyuq Eva Aariak  
Hivuliqtiuyuq

### **GN Kiutjautinninga Niqinik Aquiqtuqtaunikkut Ihivriuqniq**

Uqaqtittiysi, nikuviktunnga ublumi tuhaqtipkaigiami Nunavutim ihumagiyamiknik kaanantap Niqinik Aquiqtuqtaunikkut pinahuarutinga Inuuliriyyituqakkut qangannuaq havaariyaat ihuarhigiami tamna pinahuarutinga.

Uqaqtittiysi, Nunavummiut takunngittaik the maniitigut ikayuutikhanginnik akingit situami. Kihimi, tamna Niqinik Aquiqtuqtaunikkut pinahuarutinga pipkaitjutigiyuq akituvallaarninnganik Nunavummiunut. Atauhirmi ukiumi, una maniitigut ikayuutingit aatjikutariyaa \$650 taalamik atauhirmut inukmut kihimi qanngiutilimaitaa \$2000 taalamik atauhirmut inukmut tamarmi unghiktunut nunallaanut. Talvuuna, akhut ikayuqtavut niqinik ikayuuhimmaariami pinahuarutinga Ukiuqtaqtumut angiqtuqullu Kaanatap ihumaliuqtanginnik nutaanguriami tamna pinahuarutinga.

Tamna Niqinik Aquiqtuqtaunikkut pinahuarutinga aajikkutaliuffaaqtukhaq ublumimit ubluq tamaat atuqtauninnga pitquhingit pittaarninga nakuutqiyauyunik niqinik hukhaungiqtailinnga pinahuarutinga tamainnut Nunavummiut. Ihumagiyugut Niqinik Aquiqtuqtaunikkut ihivriuqniq pipkainiaqtuq angiyumik pinahuarutinga titiqqilirniqmutlu aallanguqtirininnanut havaqatigiiklunilu ihuaqtumik piliurninnganut iniqtirininnanullu una aallanguqtirininnanut.

Nunavut Kavamangat takuyumayangit Niqinik Aquiqtuqtaunikkut pinahuarutinga ihuarharninngit pigiami naunaittiaqhimayunut atuqtamiknik, naunaittuniklu pivikhaqaqvikhanginnik ihuaqtuniklu naunaitkutinganik. Nunavunmi, ihumagilluaqlugu tamna pinahuarutinga ayurhautigilluaqtauhimayut amihuuningit hivulliutigiyauyukhat atuqtamiknik.

Talva, akhuuqluta, ikayuqtakharaluaqqut ilitquhinganik maniliurutinganik aaniaqnaininngalu pitquhinginnullu ikayuutingit anguniarniqmut niqainnarnik.

Uqaqtittiysi, niqainnaq uqaqtauyukhaq nutaanguqtirhimayuni Niqinik Aquiqtuqtaunikkut pinahuarutinga. Tamna atuqtakhaunngitaqqut Kaanatami ihuiguuhimatakhaunngitaik niqainnait.

Uqaqtittiysi, Nunavummiut nipiqaqtukhaugaluat piliurninnganut pittaagtut atiliurhimayuq nutaanut pinahuarutinganik. Ilauliqpiaqlutik ayuittiaqhimayut ukiuqtaqtumiutat niqingit, nakuuyunik niriliqniq nakuuyullu, qanuqtut paqiniaqqugut qanuqtut havaaqatigiigiaptikni nakuuyunik niriniq, aaniarnaittumik ilihainiq atuliqtilirlunilu hulilukaarniq.

Tamna nutaanguqtirihimayuq pinahuarutinga ihumagiyukhaugaluat niqinut, akilluannginnaunngittumut. Ihumagilluannginnarumitku niqqinaq avaliitumik, tamna pinahuarutinga aajikutarilirniaqqauk atuqtangit nakuuyunik qanuritaanganik, nakuuyunik niqit akituvallaangittumik.

Tahapkununnga inuknut inguakpallaangittumi nunaqaqqut unгахiktullu, Nunavunmiunut niriquyainnarniq niriukhat, nutaqiqivingillu tupauttarutingillu pinahuarutingit, inukmut piinariaqiliqluni piliuqtauyukhaugaluaq.

Kingulliqpaami Uqaqtittiysi, ihumagiugut akhuuqtunik munariyukhat ayurhautigiyauyunut qanurittaakhaillu ihuarhaqtukhaq pinahuarutinga. Tingmitikkuinnaq pigapta nunaptikni, aallanguqtirninnga pinahuarutinga piniarutiginiaqtuq naunaitpiaqtumik ayurhautigiyuq akinga inuugiame, piinariaqininnga aanialirumi, tamayanginnullu allanut niuvikhautinut ikayuutinullu.

Uqaqtittiyi, ihuatqiyaumi, iliurainiaqtara katimatjutikhamut tamna Nunavut Kavamangat Kiutjutauntinganut nuuliryiituqakkt Niqinik Aqiuqtuqtaunikkut Ihivriuqniq.

Uqaqtittiyi, Niqinik Aqiuqtuqtaunikkut ihariagiyauyuq pinahuarutinga Nunavunmi. Akhuuqhuta ikayuqtavut tamna nutaanguqtiriniq pinahuarutinganik tuniyugullu Nunavut Kavamanganut ikaarninnganik ayuittiarninngalu piliurninnganik pitquhitigut ihuaqtumik nakuuyuniklu niqinut pinahuarutinganut tahapkununnga ihariagilluaqtunut.

Quanaqqutit.